

ხელშეკრულება სახელმწიფო შესყიდვის შესახებ № 139/19

დაფინანსების წყარო: სააგენტოს საკუთარი შემოსავლები

ქ. თბილისი

13 სექტემბერი 2019 წელი.

1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს #13 ბრძანების მე-3 მუხლის პირველი პუნქტის „ვ“ ქვეპუნქტის საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3 „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 1.4 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. ხელშეკრულების დამდები მხარეები

წინამდებარე ხელშეკრულება დადებულია:

ერთის მხრივ **სსიპ „დაცული ტერიტორიების სააგენტო“-სა** (შემდგომში „შემსყიდველი“)

ქ. თბილისი, გულუას ქუჩა №6

და მეორეს მხრივ **შპს „სარეკლამო ჯგუფი“-ს** (შემდგომში „მიმწოდებელი“) შორის.

მდებარე: ქ. თბილისი, მოსაშვილის ქ.14

3. ხელშეკრულების საგანი

ხელშეკრულების საგანს წარმოადგენს საზოგადოების ინფორმირებისა და კულტურული მემკვიდრეობის დაცვის შესახებ ცნობირების ამალების მიზნით, მიმდინარე წლის 15-22 სექტემბერს თეთრიწყაროში გასამართ საქართველოს კულტურული მემკვიდრეობის ფორუმში მონაწილეობის მისაღებად, შესაბამისი ღონისძიების ორგანიზების მომსახურების შესყიდვა (CPV79952000 - ღონისძიებების ორგანიზება) გამარტივებული შესყიდვის საშუალებით.

(საფუძველი: 2019 წლის 6 სექტემბრის #9759 მოხსენებითი ბარათი; 2019 წლის 10 სექტემბრის #9844 მოხსენებითი ბარათი; 2019 წლის 11 სექტემბრის #9861 მოხსენებითი ბარათი და 2019 წლის 12 სექტემბრის ბრძანება ო-193)

4. ხელშეკრულების ღირებულება

4.1 გასაწევი მომსახურების საერთო ღირებულება შეადგენს **4380** (ოთხი ათას სამასოთხმოცი) ლარს, შესაბამისი გადასახადების გათვალისწინებით (მათ შორის დღე).

4.2 გასაწევი მომსახურების აღწერილობა და დეტალური ხარჯთაღრიცხვა მოცემულია დანართში N1, რომელიც ხელშეკრულებას თან ერთვის და მის განუყოფელ ნაწილს წარმოადგენს.

4.3 ხელშეკრულების საბოლოო ღირებულება განისაზღვრება ფაქტიურად გაწეული მომსახურების ფარგლებში გაფორმებული მიღება-ჩაბარების აქტის შესაბამისად, მაგრამ არაუმეტეს ხელშეკრულების საერთო სავარაუდო ღირებულებისა.

5. მხარეთა უფლება-მოვალეობანი

5.1. მიმწოდებელი ვალდებულია უზრუნველყოს შემსყიდველისათვის დანართი N1-ით განსაზღვრული მომსახურების მიწოდება, თეთრიწყაროს რაიონში არაუგვიანეს მიმდინარე წლის 15 სექტემბრის 12:00 საათიდან დღის ბოლომდე.

5.1.1. მიმწოდებელი ასევე ვალდებულია, ღონისძიების დასრულების შემდეგ უზრუნველყოს ხელშეკრულების დანართის N1 მონიშნული პოზიციებით (რომელიც წინარე ხელშეკრულების ფარგლებში სამომავლოდ წარმოადგენს შემსყიდველის საკუთრებას) განსაზღვრული რეკვიზიტებისა და კონსტრუქციების სსიპ „დაცული ტერიტორიების სააგენტოსთვის“ გადმოცემა შემდეგ მისამართზე: მცხეთის რაიონი სოფელი საგურამო (თბილისის ეროვნული პარკის ადმინისტრაცია);

5.1.2 5.1.1 პუნქტში მითითებული საქონლის მიღებაზე გაფორმდება მიღება-ჩაბარების აქტი, რომელზეც შემსყიდველის სახელით ხელმომწერ პირს წარმოადგენს, სსიპ „დაცული ტერიტორიების სააგენტო“-ს ეკონომიკური სამსახურის შრომითი ხელშეკრულებით დასაქმებული პირი გიორგი ბრეგვაძე.

5.2. შემსყიდველი ვალდებულია:

5.2.1. უზრუნველყოს ხელშეკრულების პირობების შესრულების კონტროლი;

5.2.2. მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულების შემთხვევაში აუნაზღაუროს მას გაწეული მომსახურების ღირებულება.

6. ხელშეკრულების შესრულების ინსპექტირება

6.1. მიმწოდებლის მიერ ნაკისრი ვალდებულებების შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი ახორციელებს ინსპექტირებას.

6.2. ხელშეკრულების მიმდინარეობის ინსპექტირების მიზანს წარმოადგენს:

6.2.1. მომსახურების გაწევის ვადების ხელშეკრულების მოთხოვნებთან შესაბამისობის დადგენა;

6.2.2. შესაბამისი შემოწმების შემდეგ გაწეული მომსახურების ხარისხის ხელშეკრულების მოთხოვნებთან შესაბამისობის დადგენა.

6.3. ხელშეკრულების შესრულების ინსპექტირებას ახორციელებს სსიპ „დაცული ტერიტორიების სააგენტო“-ს მარკეტინგისა და საზოგადოებასთან ურთიერთობის სამსახურის თანამშრომლები.

7. შესყიდვის ობიექტის მიღება-ჩაბარების წესი

7.1. შესყიდვის ობიექტის მიღება-ჩაბარება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად გაწეული მომსახურების შესაბამისად.

7.2. იმ შემთხვევაში თუ, გაწეული მომსახურება შეესაბამება ხელშეკრულებით გათვალისწინებულ მოთხოვნებს, ხელშეკრულებით განსაზღვრული პირი მიღება-ჩაბარების აქტის საფუძველზე იბარებს გაწეულ მომსახურებას, ხოლო თუ, მომსახურების გაწევის პროცესში გამოვლინდება, რომ მომსახურება არ აკმაყოფილებს ხელშეკრულებით გათვალისწინებულ მოთხოვნებს, შემსყიდველს უფლება აქვს არ მიიღოს აღნიშნული მომსახურება, მოსთხოვოს მიმწოდებელს ხარვეზის აღმოფხვრა გონივრულ ვადაებში მიმწოდებლის ხარჯით.

7.3 ხელშეკრულებით გათვალისწინებული მიღება-ჩაბარების აქტის გაფორმებაზე უფლებამოსილ პირს წარმოადგენს სსიპ „დაცული ტერიტორიების სააგენტო“-ს მარკეტინგისა და საზოგადოებასთან ურთიერთობის სამსახურის უფროსი ნიკო თევდორაშვილი.

8. გაწეული მომსახურების ხარისხი და გარანტია

მიმწოდებელი იძლევა გარანტიას, რომ მის მიერ გაწეული მომსახურება არ გამოავლენს ხარვეზებს და იქნება ხარისხიანი.

9. ანგარიშსწორება

9.1. ანგარიშსწორება მიმწოდებელთან განხორციელდება ლარებში, გაწეულ მომსახურებაზე მიღება-ჩაბარების აქტის გაფორმებისა და საგადასახადო ანგარიშ-ფაქტურის წარმოდგენის შემდეგ 10 სამუშაო დღის ვადაში;

9.2. ანგარიშსწორების ფორმა იქნება უნაღდო. გადარიცხვა მოხდება მიმწოდებლის საბანკო ანგარიშზე.

10. ფასები

10.1. წინამდებარე ხელშეკრულების მე-4 მუხლში დაფიქსირებული ფასი წარმოადგენს ხელშეკრულების ღირებულებით პარამეტრს, რომლის გაზრდა დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

11. ხელშეკრულებაში ცვლილებების შეტანა

11.1. ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12. უფლებების გადაცემა

12.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

13. ფორს-მაჟორი

13.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

13.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

14. ხელშეკრულების შეუსრულებლობა ან არაჯეროვნად შესრულება

14.1. ხელშეკრულების პირობების შეუსრულებლობის შემთხვევაში მხარეები პასუხს აგებენ მოქმედი კანონმდებლობის შესაბამისად.

14.2. ხელშეკრულებით ნაკისრი ვალდებულებების შეუსრულებლობის შემთხვევაში მიმწოდებელს დაეკისრება პირგასამტეხლოს გადახდა ხელშეკრულების საერთო ღირებულების 10%-ის ოდენობით, ხოლო ნაწილობრივი შესრულების შემთხვევაში მიმწოდებელს დაეკისრება პირგასამტეხლოს გადახდა - დარჩენილი ვალდებულების 5%-ის ოდენობით.

14.3. ხელშეკრულების 9.1 პუნქტით ნაკისრი ვალდებულებების შეუსრულებლობის შემთხვევაში შემსყიდველს დაეკისრება პირგასამტეხლოს გადახდა მიმწოდებლის სასარგებლოდ - ხელშეკრულების საერთო ღირებულების 0.02%-ის ოდენობით ყოველ ვადაგადაცილებულ დღეზე;

14.4. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

15. ხელშეკრულების შეწყვეტა

15.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

15.2. ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

15.3. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

15.4. ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

15.5. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) საქართველოს კანონმდებლობით გათვალისწინებულ სხვა შემთხვევებში.

15.წ. ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

16. დავების გადაწყვეტის წესი

16.1. ხელშეკრულების დამდები მხარეები თანხმდებიან მასზე, რომ მოლაპარაკებების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

16.2. თუ შემსყიდველი და მიმწოდებელი ვერ შესძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

17. სხვა პირობები

17.1. წინამდებარე ხელშეკრულება ძალაშია ხელმოწერის დღიდან და მოქმედებს 2020 წლის 31 იანვრამდე.

„შემსყიდველი“

ს.ს.ი.პ „დაცული ტერიტორიების სააგენტო“

მის: ქ. თბილისი, გულუას ქ.№6.

ტელ: 2752352

ს/კ: 204911337

სახელმწიფო ხაზინა

სახაზინო კოდი: TRESGE22,

ა/ა # GE24NB0330100200165022



ბესიკ კუსიდი

თავმჯდომარის მოადგილე

„მიმწოდებელი“

შპს „სარეკლამო ჯგუფი“

ქ. თბილისი, მოსაშვილის ქ. 14

ს/კ: 205230579,

ტელ. +995 593 28 63 86;

სს "თბილისი ბანკი",

კოდი# TBCBGE22,

ა/ა # GE74TB7331936120100002




დიმიტრი ავეტისოვი

დირექტორი

N	დასახელება	კომენტარი	რაოდენობა	ერთ. ღირებულება	ჯამური ფასი
1	დეკორაცია და გაფორმება				
2	პუფი (გადმოსაცემი)	მასალა: დაფარულია ხელოვნური ტყავით. ზომები: სიმაღლე 40სმ სიგანე 33X33სმ	20	30.00	600.00
3	სივრცული ლოგო (გადმოსაცემი)	ზომა - 195*195 სმ. მოცულობითი ლოგო - პეხ 8მმ-იანი დასქელებული 5 მმ-იანი პეხ-ით. დამაგრებული რკინის კონსტრუქციაზე. რკინის კონსტრუქცია დამზადებულია 20*20*2მმ-იანი მილ-კვადრატისაგან და მოღუნულია ვალცირების მეთოდით. პოდოლში 3მმ იანი თეთრი ალუკაბონდი დამაგრებული რკინის კონსტრუქციაზე. რკინის კონსტრუქცია დამზადებულია 20*20*2მმ იანი მილ-კვადრატისგან და მოღუნულია ვალცირების მეთოდით. ზომა 195*195სმ	1	1500.00	1500.00
4	ტრიბლეტი	A4 ზომის; 170 გრამიანი ქაღალდი; კეცვით; ორმხრივი ბეჭდვა 4/4 (შემსყიდველის დიზაინის შესაბამისი)	1500	0.20	300.00
5	სერთიფიკატი	A4 ზომის; 330 გრამიანი ქაღალდი (შემსყიდველის დიზაინის შესაბამისი)	40	2.00	80.00
6	ვირტუალური რეალობა				
7	ვირტუალური რეალობის სათვალე (შესაბამისი აღჭურვილობით)	1 კომპიუტერი, 1 ვირტუალური რეალობის სათვალე	2	400.00	800.00
8	გიფერი				
9	გიფერის აპარატი	ღონისძიების განმავლობაში (12:00 - 18:00) უზრუნველყოს სასურველი რაოდენობის გიფების გადაღება და საიტზე ატვირთვა	1	450.00	450.00
8	ტრანსპორტირება				
9	შემსყიდველის კუთვნილი ინვენტარის ტრანსპორტირება	1 ცალი საინფორმაციო კედლის და 3 ცალი საგამოფენო სტენდის ტრანსპორტირება მცხეთის რაიონი სოფელი საგურამო დან (თბილისის ეროვნული პარკის ადმინისტრაცია); - თეთრიწყაროს მუნიციპალიტეტში, ხოლო ღონისძიების დასრულების შემდეგ ტრანსპორტირება მცხეთის რაიონი სოფელი საგურამოში (თბილისის ეროვნული პარკის ადმინისტრაცია)	1	650.00	650.00
ჯამი დღეს ჩათვლით					4,380.00

“შემსყიდველი”

ს.ს.ი.პ „დაცული ტერიტორიების სააგენტო“


ბესიკ კუსიძე
თავმჯდომარის მოადგილე

“მიმწოდებელი”

შპს „სარეკლამო ჯგუფი“

დირექტორი